



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՖԻՆԱՆՍՆԵՐԻ ՆԱԽԱՐԱՐ**

« 29 » հոկտեմբերի 2012 թ.

թիվ: 923-Ձ

**Հ Ր Ա Մ Ա Ն**

**ՎԻՃԱԿԱԽԱՂԻ ԳՈՎԱԶԴԻ ԲՈՎԱՆԴԱԿՈՅՈՒԹՅԱՆ ՀԱՄԱՁԱՅՆԵՑՄԱՆ ԿԱՐԳԸ  
ՀԱՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՖԻՆԱՆՍՆԵՐԻ ԵՎ  
ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ 2000 ԹՎԱԿԱՆԻ ՍԵՊՏԵՄԲԵՐԻ 11-Ի N 229  
ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հիմք ընդունելով Հայաստանի Հանրապետության վարչապետի 2012 թվականի մայիսի 23-ի N 450-Ա որոշմամբ հաստատված Հայաստանի Հանրապետության ֆինանսների նախարարության բիզնես գործընթացների կանոնակարգման միջոցառումների ծրագրի 7-րդ կետը և ղեկավարվելով «Իրավական ակտերի մասին» Հայաստանի Հանրապետության օրենքի 72-րդ հոդվածով.

**ՀՐԱՄԱՅՈՒՄ ԵՄ**

1. Ուժը կորցրած ճանաչել «Հայաստանի Հանրապետության ֆինանսների և էկոնոմիկայի նախարարության 2000 թվականի սեպտեմբերի 11-ի «Վիճակախաղի գովազդի բովանդակության համաձայնեցման մասին» N 229 հրամանը:
2. Հաստատել վիճակախաղի գովազդի բովանդակության համաձայնեցման կարգը և ձևը՝ համաձայն NN 1 և 2 հավելվածների:
3. Վիճակախաղի գովազդի բովանդակությանը համաձայնություն տալու կամ դրանք մերժելու իրավասությունը վերապահել Հայաստանի Հանրապետության ֆինանսների նախարարության աշխատակազմի լիցենզավորման գործակալությանը:
4. Սույն հրամանի կատարման պատասխանատու սահմանել Հայաստանի Հանրապետության ֆինանսների նախարարության աշխատակազմի լիցենզավորման գործակալության պետին:
5. Սույն հրամանի ուժի մեջ է մտնում պաշտոնական հրապարակմանը հաջորդող 10-րդ օրը:



**Վ. ԳԱՐԻԵԼՅԱՆ**

Կ Ա Ր Գ

ՎԻՃԱԿԱԽԱՂԻ ԳՈՎԱԶԴԻ ԲՈՎԱՆՊԱԿՈՅԱՆ ՀԱՄԱՁԱՅՆԵՑՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում են վիճակախաղեր կազմակերպող տնտեսվարող սուբյեկտների (այսուհետ՝ Կազմակերպիչ) կողմից նախքան վիճակախաղի գովազդի հրապարակումը լիազոր մարմնի հետ համաձայնեցման համար վիճակախաղի գովազդի բովանդակությունը ներկայացնելու հետ կապված հարաբերությունները:
2. «Վիճակախաղերի մասին» Հայաստանի Հանրապետության օրենքի 5-րդ հոդվածի 1-ին մասի «բ» ենթակետին համապատասխան Կազմակերպիչը նախքան վիճակախաղի գովազդի հրապարակումը, դրա բովանդակությունը ներկայացնում է Հայաստանի Հանրապետության ֆինանսների նախարարության համաձայնեցմանը:
3. Կազմակերպիչը վիճակախաղի գովազդի բովանդակությունը ՀՀ ֆինանսների նախարարություն է ներկայացնում երկու օրինակից՝ ՀՀ ֆինանսների նախարարության սահմանած ձևով ( N2 Հավելված):
4. Սույն կարգի 2-րդ և 3-րդ կետով նախատեսված տեղեկատվությունը Հայաստանի Հանրապետության ֆինանսների նախարարությունում հասցեագրվում է Հայաստանի Հանրապետության ֆինանսների նախարարության աշխատակազմի լիցենզավորման գործակալությանը (Այսուհետ՝ Գործակալություն):
5. Կազմակերպիչը վիճակախաղի գովազդի բովանդակությունը ներկայացնում է Հայաստանի Հանրապետության ֆինանսների նախարարության մարմնի քարտուղարություն թղթային, կամ փոստային, կամ էլեկտրոնային եղանակով՝ ուղարկելով [secretariat@minfin.am](mailto:secretariat@minfin.am) էլեկտրոնային հասցեին, ընդ որում՝ էլեկտրոնային եղանակով ներկայացնելու դեպքում վիճակախաղի գովազդի բովանդակությունը պետք է ստորագրված լինի կազմակերպչի կողմից էլեկտրոնային ստորագրությամբ:
6. Քարտուղարություն գրանցման (մուտքագրման) ամսաթիվը համարվում է վիճակախաղի գովազդի բովանդակության ներկայացման ամսաթիվ:

7. Կազմակերպչի կողմից ներկայացված վիճակախաղի գովազդի բովանդակությանը համաձայնեցում տալու կամ մերժելու նպատակով իրականացվում է ուսումնասիրություն՝ ներկայացված ձևի համապատասխանությունը սույն կարգով հաստատված ձևին և դրանում ներկայացված տեղեկությունների համապատասխանությունը Հայաստանի Հանրապետության օրենսդրության պահանջներին՝ «Վիճակախաղերի մասին» և «Գովազդի մասին» Հայաստանի Հանրապետության օրենքներին:
8. Գործակալությունը՝ վիճակախաղի գովազդի բովանդակությունը իրեն ներկայացնելու օրվանը հաջորդող տասն օրվա ընթացքում ընդունում է որոշում վիճակախաղի գովազդի բովանդակությանը համաձայնություն տալու կամ մերժելու մասին և այդ մասին գրավոր տեղեկացնում Կազմակերպչին: Եթե նշված ժամկետում համաձայնություն տալը չի մերժվում, ապա այն համարվում է տրված:
9. Վիճակախաղի գովազդի բովանդակության համաձայնեցում տալու կամ մերժելու գործընթացի իրականացման պատասխանատու է հանդիսանում Գործակալության խաղային գործի լիցենզավորման բաժինը:
10. Եթե Գործակալությունը ընդունել է վիճակախաղի գովազդի բովանդակության համաձայնություն տալու մասին որոշում, ապա կազմակերպչին է առձեռն տրամադրվում լիազոր մարմնի հետ համաձայնեցված՝ վիճակախաղի գովազդի մեկ օրինակը լիցենզավորվման գործակալության պետի ստորագրությամբ և Հայաստանի Հանրապետության ֆինանսների նախարարության Հայաստանի Հանրապետության զինանշանի պատկերի կնիքով: Եկրորդ օրինակը՝ Կազմակերպչի կողմից առաջին օրինակի ստացման վերաբերյալ գրառումով և ստորագրությամբ պահվում է Գործակալությունում՝ Կազմակերպչի անհատական գործում կամ վիճակախաղի գովազդի բովանդակությունների պահման համար նախատեսված թղթապանակում: Վիճակախաղի գովազդի բովանդակության համաձայնություն տալու մասին գրությամբ Կազմակերպչին տեղեկացվում է նաև, որ լիազոր մարմնի հետ համաձայնեցված՝ վիճակախաղի գովազդի մեկ օրինակը կարող է առձեռն ստանալ Գործակալության խաղային գործի լիցենզավորման բաժնից ցանկացած աշխատանքային օր աշխատանքային ժամերի ընթացքում:
11. «Վիճակախաղերի մասին» Հայաստանի Հանրապետության օրենքի 5-րդ հոդվածի 1-ին մասի «բ» ենթակետին համապատասխան վիճակախաղի գովազդին լիազոր մարմինը չի տալիս իր համաձայնությունը, եթե այն՝
  - 1) հակասում է «Գովազդի մասին» Հայաստանի Հանրապետության օրենքին.

2) լիազոր մարմնի հետ համաձայնեցված համապատասխան վիճակախաղի կազմակերպման և անցկացման կանոնակարգի դրույթներին.

3) պարունակում է թյուր կամ ապակողմնորոշող տեղեկություններ.

12. Վիճակաղաղի գովազդի բովանդակությանը համաձայնություն տալը մերժելու մասին որոշում կայացնելու դեպքում Լիազոր մարմինը գրավոր տեղեկացման մեջ նշում է մերժման հիմք հանդիսացած պատճառը(ները)՝ վկայակոչելով այն իրավական ակտը, որի ուժով մերժվում է: Վիճակախաղի գովազդի բովանդակությանը համաձայնություն տալը մերժելու դեպքում Կազմակերպչի կողմից ներկայացված Վիճակախաղի գովազդի բովանդակության օրինակները պահվում են Գործակալությունում՝ Կազմակերպչի անհատական գործում կամ վիճակախաղի գովազդի բովանդակությունների պահման համար նախատեսված թղթապանակում:

13. Վիճակախաղի կանոնակարգի՝ ՀՀ ֆինանսների նախարարության հետ համաձայնեցված գովազդի բովանդակության վրա ազդող փոփոխությունների դեպքում կազմակերպիչը ՀՀ ֆինանսների նախարարության հաստատման նշված փոփոխությունները ներկայացնելու հետ միաժամանակ ներկայացնում է գովազդի համապատասխանաբար փոփոխված տեքստը, որը քննարկվում է սույն կարգի դրույթներին համապատասխան՝ ընդհանուր հիմունքներով:

Հաստատված է  
ՀՀ ֆինանսների  
նախարարի  
20-- թ. -----ի  
N ----- հրամանով

Համաձայնեցված է  
ՀՀ ֆինանսների  
նախարարության հետ  
«---» «-----» թ  
ՀՀ ֆինանսների նախարարության  
աշխատակազմի լիցենզավորման  
գործակալության պետը

Վիճակախաղի գովազդի բովանդակությունը ներկայացնողի՝

անվանումը \_\_\_\_\_  
կազմակերպական-իրավական ձևը \_\_\_\_\_  
վիճակախաղի անվանումը \_\_\_\_\_  
վիճակախաղի տեսակը \_\_\_\_\_  
իրավաբանական անձի գտնվելու վայրը \_\_\_\_\_  
հեռախոս \_\_\_\_\_

Ստորև Ձեր համաձայնեցմանն ենք ներկայացնում  
վիճակախաղի գովազդի բովանդակությունը՝

---

---

---

---

---

---

---

---

---

---

---

---

\_ Վիճակախաղի գովազդի հրապարակման համար նախատեսվող ժամկետները (գործողության  
ժամկետը)

ստորագրությունը

\_\_\_\_\_ 20 թ.